



九國志附錄

王應麟玉海藝文雜史治平十國志真宗時知制誥路振

采五代僭偽吳揚行密唐李昇李昇前蜀王建後蜀孟知

祥南漢劉隱北漢劉崇閩王潮楚馬殷吳越錢鏐九國君

臣行事撰九國志以擬崔鴻十為世家列傳四十九卷振

子發永其孫綸文增高氏季興為十國志治平元年六月

州人辛酉七月綸上之詔付史館九國志五十卷增荆南高氏

志五十一張唐英補為北楚書二卷合五十一卷唐英蜀檮

一卷外史檮路振書未路振祥符初使契丹

撰乘輶錄一卷以獻

九國志附錄



晁公武郡齋讀書志史部偽史類九國志五十一卷皇朝
路振撰雜記吳越唐前蜀後蜀東漢南漢閩楚凡九國

陳振孫直齋書錄解題偽史類九國志五十一卷右正言
知制誥祁陽路振子發撰九國者謂吳唐二蜀東南二漢
閩楚吳越各為世家列傳凡四十九卷末二卷為北楚書
高季興事張唐英所補撰也

馬端臨文獻通考經籍考史偽史霸史九國志五十一卷
晁氏云云陳氏云云

司馬溫公題劉道原十國紀年後云世稱路氏九國志在
五代之史中最佳此書又過之

見郡齋讀書後志

九國志卷一

吳太祖以唐景福元年再入揚州至睿帝天祚三年為南唐所篡蓋晋天福三年也歷傳四主凡四十六年
袁襲

襲廬江人少好學善屬文淵明緯象秦畢之亂高駢辟行
密為行軍司馬俾率所部赴難行密猶豫不行襲言於行
密曰高駢倦於政事聽惑妖妄彥等雖以誅呂用之為名
觀其事乃以暴易亂耳寧知非天將贊於公耶行密喜其
言乃移檄諸州誘集徒眾將兵數萬長驅至廣陵秦畢害
駢襲勸行密縞素舉哀於城下眾皆義之及破賊入城招
輯編戶會孫儒兵至行密問計於襲曰今城壁未完賊且
盛若儒至圍城是重擾民也不如且避之先是海陵將高
霸擁眾來附行密將令以兵屯天長扼儒來路襲謂行密

曰霸擁大衆心持兩端若使居天長是自扼也可因犒其士卒擒而斬之行密遂斬霸而併其兵行密聞孫儒至復欲遁歸海陵襲曰不若歸合肥繕甲兵再議攻取今稽諸乾象公必再來及孫儒逼城行密果自天長返謂襲曰無子吾幾不得歸行密平宣州獲趙鏗留與其弟同館鏗與梁祖有素果遣使來求鏗時襲寢疾行密使人問襲襲曰但斬首送之必無慮也未幾卒襲剛忍好克每欲殺人必折節下之行密哭之曰吾每恤刑而襲好殺享年不永深可哀也

卷一萬八千一百三十四第二頁

劉威

威廬州慎縣人少為小吏豪爽有志節與田頔陶雅俱為行密奔走之舊行密起淝上及平秦畢有功表領賓州刺

史大順初與安仁義敗孫儒別將劉建鋒於武進其後孫儒兵益集威與頔屢為所敗行密將歸銅官威曰今衆寡勢殊殆難與爭然儒焚室掃壘絕後而來糧若不繼何從供饋公宜勿與戰堅壁以禦之坐待其斃行密然之儒果敗乾寧初表授廬州刺史及行密承制封拜就遷淮南節度副使行軍司馬東西行營副都統未幾加使相天祐三年授鎮南軍節度使撫州危全諷率虔吉撫信之衆十餘萬將復鍾傳舊地時州兵無多士庶大駭威獨傲然日縱酣飲全諷屯象牙潭不敢輕進及周本破全諷四州初平渭令威巡視四境撫諭而還先是行密疾病問周隱以後事隱以威為請威初聞不能無意及移鎮鍾陵復多專刑徐溫請討威威聞之沮喪計無所出有幕客黃訥謂威曰

公受謫雖深反本無狀能挺身入覲必解前疑也威曰善
遂遣訥為先容渭果復令之鎮天祐十一年卒於鎮年五
十八卷一萬八千一百
三十四第三頁

陶雅

雅字國華合肥人本儒家子儀形魁偉眉目甚秀乾符中
天下將亂始投筆和門會西蕃入寇徵四方兵防秋靈夏
雅與行密淝上軍偕往未幾改隸諸葛爽征沙陀有功從
爽鎮河陽還補廬州衝山指揮使行密據合肥遣雅平鄉
盜秦定過修己等遷八營主將老啓初破桐城吳迥擊李
本於柳子山乘勝攻舒州下之以雅為舒州刺史為蔡盜
許勅潛兵夜至雅奔歸文德初從行密破趙鏗授池州刺
史大順中破孫儒軍於人頭山儒平授常州刺史遷池州

趙鏗
世書作鏗
元乳
年作作鏗

團練使田頔攻歙州時給事中裴樞守新安將歸歛於行
密以宣州副使魯劼往代之是時諸將受郡鮮不以虐歛
為事惟雅寬厚人多便之樞因遣問政山人聶師道往說
頔曰苟得池陽陶牧為守州人孰不承命頔驛報行密因
令雅治新安入見樞盡州郡禮樞奇之及樞至京師奏雅
為歙州刺史天福三年田頔以宣州叛雅以州兵助臺濛
代之頔出戰橋陷墮馬為帳下小卒許渥王綬所殺宣州平
兼西南面招討使先是順義軍使汪武聚盜據婺源行密
以為滁州刺史婺源歙屬邑武將險未嘗謁雅及頔叛武
多行剽劫至是雅移檄聲言討洪饒由婺源往武引弟姪
十餘人就路迎謁雅頔左右擒殺之綬轡入其營中無敢
動者天祐初陳詢以陸州歸歛吳越遣萬眾攻詢雅率兵

救之軍士夜驚多踰營遁去將吏白雅欠伸不應乃下令
曰明旦有軍士不在營者俱斬果逃相傳告未頃而定明
年破婺州虜越州刺史沈夏以功遷衢睦團練使江南都
招討會宣州王茂章叛奔越雅虜茂章伏兵斷其歸路乃
令大將軍金師會領睦州事遂班師新安而越兵大至衢
睦婺三州復沒八年移鎮武昌雅利黥川殷阜上書寢之
遂遙領武昌軍節度加同平章事知歙州團練觀察等事
十年八月卒於任年五十七雅性沈靜好讀書手不釋卷
雖臨陣敵常褒衣博帶自幼年戲弄未嘗有錐刀傷手及
為大將每天石交飛終莫能中接賓佐有禮事兄弟以孝
敬非公宴不舉音樂踈財重士人以此歸之典黥川二十
餘年民感其化生男女或以陶為字焉卷一萬八千一百
三十四第三頁

李神福

神福洛州人幼執親喪哀毀過瘠鄉里異之及長沈厚勇
敢唐末四境交募勁兵因隸上黨軍籍時高駢兼諸道行
營都統神福從州將王重屯淮海因投於行密中和中同
安賊陳儒攻刺史高瀆遣使來告行密未能救謀於神福
對曰此群盜烏合易與耳公但聲言赴援可不勞尺刃為
公解之乃請本軍旌旗間道以入既夕引州兵出外各持
旌旗入列大陣之狀儒果夜遁行密大奇之光啓二年壽
州張翽叛寇淝上神福率兵與戰敗之于楮城秦畢之亂
高駢名行密因遣神福諭曲谿劉金盱貽賈令威各以義
兵來附破秦畢軍神福功居多會選卒為黃頭軍遷神福
為左右黃頭都尉龍紀中涇縣王賞太平嵇常滿俱聚盜

剽鄉里神福引兵破之但誅其首惡餘皆不問大順二年孫儒前鋒兵屯漂水行密遣神福將兵禦之神福謂諸將曰兵倍不戰况儒衆十倍於我當具避其銳以驕之乃退舍而儒衆果怠神福乃選銳卒躋險夜襲之果大潰又擊儒要山寨破之擒其將李弘以功改左游奕將銅官鎮遏使田頵為孫儒所敗行密欲退守銅官神福諫曰儒掃境而來利在速戰宜堅壁清野以老其師神福願以本軍據險結柵時出輕騎抄其糧運彼前不得戰退無儲糧此送死之道行密曰善因以神福為宣池兩路都游奕使是夏儒食盡果敗以功奏授左千牛衛將軍景福二年廬州刺史蔡傳叛遣何瓌來寇神福迎擊於青斗山大破之遂傳城下賊平遷左衛都校未幾授舒州刺史天福元年與呂

師造攻臨安錢鏐使顧全武來援神福退師令羸老行人令師造設伏青山路自將一軍殿後夜未半全武果盡銳來追神福偽北走伏軍發前返來攻越軍大敗擒全武復攻臨安久不克先是神福遣使護鏐先瑩禁其樵採及獲全武又遣通家問越人皆感之因納其犒賂而返二年改昇州刺史行密以女妻其子承昺三年攻杜洪於鄂州大敗洪軍時城中積荻山上神福謂將軍曰今夜焚此諸將皆不測是夕遣人乘舟載火炬至瀟口分焚樹偽為梁軍來援之狀城中焚荻應之諸將伏其智梁祖遣將韓勅率步騎萬餘屯瀟口又令荆南以舟師赴援成汭盡衆浮江而下神福登岸望之曰舟人雖盛然首尾懸絕宜急擊之乃迎戰大別山汭果敗溺水死勅亦引衆遁去自是洪勢

益孤會宣州田頔叛襲昇州劫神福與帳下妻子俱歸宛
陵厚養之以誘神福行密急書召神福覽書袖之揚言曰
鄂州尚未下又令急取荆南因號令諸軍速聞順流而下
頔遣將王壇汪建以舟師援洪又別遣人遺神福書約分
地而治神福斬其使擊壇建破之復戰于皖口又敗其衆
浮尸棄舟蔽江而下壇建以輕舟遁去四年以兵屯田梁
加西面行營招討使光州團練使疾甚求醫於江都卒年
五十卷一萬八千一百
三十四第八頁

臺濠

濠廬州合肥人少為金牛鎮將行密據合肥始來歸從征
秦畢趙鏗俱破敵有功大順中馬敬言為孫儒敗於廣德
初儒與李從立乘勝至東谿時城守未固軍士大恐濠以

字復寧

一旅巡谿西會天晦詐令士卒傳諭往返者數四謂大衆
屯集中夜皆遁去及儒柵陵陽濠於魯江五堰作輕舟饋
糧終儒之世軍無飢色從行密歸廣陵以功遷楚州刺史
乾寧三年破蘇州以濠守之越人水陸大至濠擊敗之錢
鏐親率舟師至會糧盡濠拔衆遁歸光化二年行密初得
朐山以濠為海州刺史在任貪殘為郡民所訴又為田頔
所譖降為漣水制置使天復三年田頔叛于宣州行密歷
數諸將無敵頔者乃謂濠曰非公莫可濠曰頔不守富貴
自取滅亡濠今伏大王威武以順翦逆往必擒頔願王無
慮行密大悅濠初入其境即翻陣以往軍士俱笑其怯濠
曰願宿將多謀當自過防翌日果遇陣於廣德濠欲奪其
銳先以行密書遺頔將校皆下馬拜受因其擾亂濠麾衆

擊之願兵大敗乘勝遂圍宣城冬十月願出州外求戰登橋馬墜為外軍所殺宣州平行密承制加濠檢校太保宣州觀察使天祐元年卒于治所年五十三卷八十一頁一百三十四第九頁

張訓

訓字克明滁州清流人身長八尺餘要帝十圍中和三年歸行密于合肥行密訪以方畧悅之令從石令言攻同川克其城從田頔擊張翱于褚城入擊趙錕昌山兵破之克宣州訓功居多遷左右黃頭指揮使以所部戍廣德拒孫儒於黃池從李神福襲歷陽下滁州孫儒焚廣陵悉銳攻宣州行密命訓潛軍入廣陵滅其餘燎獲軍儲數十萬以賑饑民行密令馬爽守廣陵爽叛為諸將所殺城中大囂訓整師以出眾乃定孫儒之起也毗陵守將劉建鋒從儒

可兒

俱西土豪陳可兒據毗陵訓率兵奄至城下可兒倉卒出

迎訓於馬上手刃殺之奪其兵入城中又率兵絕儒糧道

於安吉馬頭敗儒訓論功為最景福元年從行密歸江都

路經毗陵行密顧左右曰毗陵大城也訓一劒下之不亦

壯哉即授温州刺史乾寧二年屯兵漣水以備梁師劉知

俊聚糧石碭戍守皆潰盡焚其儲積訓歸路出東海為知

俊所邀訓擊大破之青口之後吳師悉起訓帥所部迎行

密行密喜以兵千人令為前鋒會朱瑾假梁人兵鋒先入

其壘訓登岸疾戰踰柵而入遂破龐從大軍以功授淮海

游奕使天復三年王茂章平密州以訓為刺史會梁祖以

大軍至訓謂諸將曰城孤師少何以待之皆欲焚城掠聚

而去訓曰不可如此則我師難歸遂封府藏下懸門立虛

青口在祖之字作

從大師大

幟於城上遣老弱居前訓自以銳兵殿其後梁軍前鋒至見城上旗多未敢逼數日方入城又見府庫城邑晏然如故亦不追之天祐七年遷黃州刺史卒於治所訓質直勇而多力曾渡毗陵西橋馬畏不渡乃持尾舉之以濟然不恃其勇故多功保全焉卷一萬八千一百三十四第十六頁

李遇

遇合肥人始事行密帳下光啓中禦梁軍於慎縣遇單騎按槊率先破敵以伍長遷馬軍副指揮使從平秦畢趙鏗孫儒皆有功遷淮南馬步諸軍都尉累遷常州刺史天復三年安仁義以潤州叛夜襲毗陵仁義善射諸軍多畏避遇背城逆戰仁義喪師自是不敢東顧天祐中宣州王茂章奔越乃以遇為淮南行軍司馬宣州團練使徐溫專政

遇不能下之常言曰徐溫何人吾所未識溫怒命柴再用將兵送王壇代遇不受命再用攻其城逾月不克時宣王遣典客何堯說遇曰公本圖反請斬堯以徇本無反心可隨納款遇聞王命遂開門委命溫族之孫仁義方嬰為人匿之而免李昇秉政以仁義為縣令卷一萬八千一百三十五第一頁

劉金

金淮陰洪澤人光啓中江淮兵亂從鄉首李章保曲谿章死金代有其衆行密營廣陵金盡以其衆來附破秦彥金有力焉文德初從攻趙鏗於陵陽明年金度鏗必遁思以計擒之因偽與鏗通好約為外應鏗大以金帛為遺復夜迎金於卧內許妻以女金歸營慮鏗兵盛出不能制乃遣人臨城大譟云劉郎不能與尔為女婿也鏗聞之沮喪果

宵遁大順中孫儒寇宛陵行密遣金拒之屢破儒軍以功授滁州刺史行密破鍾離移濠州刺史未幾遷團練使天祐二年卒子仁規嗣仁規娶行密女渥襲位遷過口兩城使乾貞初授清淮軍節度使

卷一萬八千一百一十五第一頁

秦裴

裴慎縣人少驍勇頗涉獵以鷹隼為事嘗云天上黃鷹地下黃金餘不足貴也行密起合肥因隸帳下大順元年奏授檢校左散騎常侍行密據廣陵以裴知揚子縣有虎入縣郭裴親殺以獻行密名裴賞之裴曰此衆共殺非獨能制也行密嘆曰勇而能讓必享富貴歷高郵無錫令俱有能名乾寧五年率兵破越崑山鎮以三千兵守之錢鏐遣顧全武引萬衆來復裴援絕全武以檄說裴裴封函納款全

武頗自負名諸將聚觀全武曾為僧發函乃佛經一卷全武大慙裴戰無虛日士卒多病傷死未幾糧盡告降錢鏐預設千人食以待之及出士卒不滿百鏐讓之曰軍孤衆寡何苦相拒裴曰但事君盡節死而後已今食盡歸命非本志也鏐大賞之因熟視裴曰君有藩侯相他日必歸君餘勿為念裴在越三年寂無歸耗忽一日裴遣人告行密遣李神福故越臨安鏐遣顧全武方宇救之為神福所擒明年行密送全武及宇易裴以歸天復三年從李神福攻鄂州荆南成汭乘大艦來援裴率兵沂流逆戰汭敗溺水死又攻田頔衆於告陽磯以功授諸軍都尉從劉存攻夏口破之加昇州刺史天祐三年洪州鍾傳卒州人立其子匡時江州刺史延規傳之養子忿不得立以其郡納款因

授裴西南面行營招討使攻匡時至蓼州時軍欲限水為
柵裴不聽匡時果遣將劉楚據之諸將相顧失色俱咎裴
裴曰城中驍銳惟楚耳若令總衆拒守此城何由卒破吾
固留此要害以謀致之既而分軍晨出盡銳破柵既擒楚
方傳於城下未幾城陷擒匡時以獻諸將皆服其智號令
嚴肅軍士無敢殺戮洪之士卒俱來就營求其戚屬為出
府帛贖還之洪人感悅授洪州制置使張顥用事慮裴為
變急召歸及湖口遇鄂帥劉存與潭軍戰沒復授裴鄂岳
觀察使會重午裴宴諸將而潭人入寇裴遣弟師鐸師虬
乘戰艦先往裴食訖登黃鶴樓以望乃以平頭舫領小校
曰但乘此卷旗奪潭人船以戰及與師鐸軍合乃建大將
旗潭人睨眙裴因擊敗之六年入覲因求歸故里以民禮

謁縣宰見里中故老必拜坐以少長為齒九年加武昌軍
節度使遇疾求歸至湓中卒年五十九裴在治七年積軍
儲二十萬開青山大冶公家仰足卷一萬八千一百
三十四第十頁

馬珣 十國春秋無傳

珣廬江人少翹勇有機畧初以貨財商于江都會秦畢圍
城乃歸鑢錮軍畢師鐸於城南立高樓以望城中呂用之
患為募壯士推其樓珣應募夜半獨伏劒入賊營倒之用
之厚賞遷十餘級行密入城聞其名錄為偏將與朱延壽
相友善乾寧初授珣舒州刺史移守漣水四年梁將朱友
恭圍瞿章於黃州命珣率兵援之黃州陷戰不利與張訓
呂師造成知進石率等收散兵三百人自黃州間道緣分
寧絕山谷而東道經撫州危全諷聞其來布四壘于路壘

皆萬餘人珣語諸將曰彼謂我可坐縛也今與諸軍擊其中堅逐其軍帥取其資而食其穀可以歸矣會夜擊全諷之壘大破之全諷僅免乃飲宴於賊營擇其利兵而用之明日廣張旗幟揚麾伐鼓從山直下衝其連營鋒若雷電賊皆潰走珣凱唱而歸謁行密言其戰狀行密罵之曰懦堅子何不遂據其城珣拜謝不敏珣滑稽好妓樂歌舞雖出師登騎俳諧不輟既而卧疾謂所親曰若患愈當乞師數千可以蕩平西南夷獠俄而卒衆惜其智勇部下將校見其二子無不感慨申敬朱延壽錄其孤而字之延壽敗行密收其二子給與宅第

卷一萬八千一百三十四第十七頁

劉存

存陳州人少拳勇從行密起合肥破秦畢趙鏗皆有功孫

儒入寇身先苦戰為賊斷足三指而戰不輟翌日行密出城與儒戰存請先登行密諭以指痛不止因求皮履裹足而往是日平儒以功遷壽州馬軍都尉乾寧中預破葛從周於潁河遷舒州刺史改團練使天復中副李神福攻杜洪於江夏會田頔叛遣將汪建王壇率舟師沂流而上存與神福下瀝池磯逆戰為流矢中目存戰自若建敗存殺獲居多四年復攻江夏時神福病歸存代為招討使引十數騎巡城憇於高崗張樂命飲酒酣鄂兵大至存以旗向江三招而止鄂人望之仡然有頃自退軍中服其膽畧存急焚鄂城樓梁援兵將突圍而出諸將欲急擊之存曰擊之賊必復入復入則城愈固矣不若聽其遁去諸將皆曰善是日城隅擒杜洪父子斬於廣陵市以功授淮南行軍

司馬鄂岳都團練使天祐三年率舟師攻潭州大雨不止
軍回至瀏陽為潭人所敗執存以歸馬殷親解其縛欲授
以官存大詬曰汝昔歲宣城潰散偶漏我鋒刃今反欲臣
我耶殷知不可留乃斬之唐保大中邊鎬平湖南遣使就
墳致祭贈宣武軍節度使武衛上將軍卷一萬八千一百
三十四第四百

李簡

簡上蔡人有膽勇資質壞偉始隸陳蔡軍中趙鏗送武幹
之士因任為帳下親信龍紀初鏗為行密所圍狼盡將逸
簡給守門者得出因奔行密補黑雲隊長大順二年孫儒
寇廣德行密將逆戰會夜屯於行密柵及旦儒軍圍之數
重率百餘人挺身突戰自外破柵拔行密以出遷黑雲都
指揮使乾寧二年從攻濠州濠水深濶簡手搴重甲口銜

大刀先渡踰壘破其關鍵擒刺史張遂以獻從攻壽州加
淮南右廂馬步軍都虞候先是江都多盜令雖嚴莫能禁
止及是為簡獲者必徇其部分姓名所盜之物盡黥於面
於是寇竊皆息三年從田頔破蕪州虜刺史成及從行密
破龐從於青口敗梁軍於泚河副王茂章援青社從臺濠
圍田頔於宣州皆有功簡本姓陳既貴欲復其氏行密謂
之曰天下皆知有李簡何處有陳簡也以是不易渥襲位
王茂章將以宛陵叛命簡率眾攻之茂章聞簡至率眾奔
越改楚州團練使杭人屢寇無錫以簡為常州刺史改鄂
岳觀察使天祐十二年授武昌軍節度使武義初加鎮西
大將軍襲復州破之俘知州鮑唐以獻乾貞二年加西南
面招討使入覲卒於采石江年六十九簡鎮上游之地十

餘年重閔洞啓敵人不敢侵軼然忍而好殺又非法重歛
鄂民之高資者無不破產時論以此鄙之卷一萬八千一
百三十四第四
頁

柴再用

再用蔡州汝南人性至孝七歲遇龐勛亂舉族避地祖訓
鼓不能去唯再用獨留侍賊見而去之以是大為鄉里所
異及長沈毅有斷面黑如鐵人號為柴黑子會秦宗權召募
驍勇再用以騎射應選時軍令止馬者斬一日戰回藉韁
而寢既寤而馬逸再用追之遇賊於林中環樹而射一發
人樹俱貫賊畏走遂奪馬而歸光啓中從孫儒攻廣陵再
用本名存嘗與軍中小校結為死友會有告小校謀反儒
斬之執再用至儒問何故反再用不對既伏質又問之始

對曰某與彼相結為死友則某反矣公既誅之復何問焉
儒竒之曰汝果不反吾再用汝因令改名再用儒敗歸行
密授先鋒馬軍指揮使乾寧中朱延壽辟為衙將因遷壽
州團練都押衙敗梁兵于壽春遷團練副使從延壽平劉
存子弋陽授知光州軍州事一日大震電家人皆伏匿再
用當戶坐不動俄見青襦袴者四人昇再用所坐牀出庭
中復大震屋椽折有龍出焉梁兵寇光山再用擊走之以
功遷光州刺史天祐二年梁祖平趙匡凝于襄漢乘勝畧
淮上遣使謂再用曰苟以城降遷爾蔡州本郡為賞再用
乘闥而拜曰此州城小衆寡王若先下壽州回當自送款
梁祖信之攻壽州不援而返再用襲之斬首三千餘級以
功加檢校太保渥襲位遷楚州刺史俄授淮南左廂步軍

都指揮使越人寇東洲遣再用率兵禦之賜長稍伍拾戰
敗艦破水滿再用為長稍所泛得不溺家人聞敗飯千僧
為禱再用戰歸取其飯名麾下以犒之曰此輩濟我佛何
力之有十一年袁州劉崇景叛引潭將許貞為援令再用
攻之近城有萬勝岡再用欲奪之每旦出師岡下不與戰
袁人頗怠一日列大陣岡南崇景望之氣奪因出戰再用
躍馬徑入陣中斬首數十袁人大敗崇景棄城而遁武義
元年破越軍於無錫遷鎮西將軍領天平軍節度使未幾
移鎮武昌改德勝軍節度加中書令卒年七十二再用寬
厚淹雅有儒者之風好讀左氏春秋未嘗省視厨廐寮屬
白事有不如意但對之假寢諸子娶聘必擇平昔舊族史
官王振請述戰功以補方冊再用曰鷹犬之效出自偶然

何足紀也累歷藩鎮敦尚儉素車馬導從不過十人亦一
時之良將也

卷一萬八千一百
三十四第十二頁

陳璋 十國春秋編入吳越

璋潁川人少橫壯不羈歷事諸帥俱無成乃歸行密未幾
復委質於錢鏐景福初授杭州武勇都指揮使改鎮海軍
踏白使乾寧中領賓州刺史從平董昌詔賜佐忠去偽功
臣天復二年鏐將許再用叛據外城召田頔為援頔將樹
柵於杭州咽喉之地鏐乘闖觀之大懼出金綵十輦募諸
將有能奪其地者與之仍以頔為賞璋應募逸驍健三百
假護軍白馬以出免胄馳擊往返者數四竟奪之鏐大喜
飲之巨觥即授璋衢州刺史與軍校葉讓不協因斬之與
睦州陳詢連衡復歸款于行密鏐以兵圍其州踰月不能

出行密遣周本援之拔璋盡室以歸天祐二年行密遣陶雅平婺復授璋衢婺州諸軍事充都招討副使會王茂章叛雅棄其地改璋池州團練使署淮南節度副使越將張仁保陷東洲授璋水陸行營都招討使擊仁保于海曲奪戰船三百艘盡復東洲舊地復乘輕舟入松江九谿偵邏越師大集團之數重璋獨射施工心目皆應弦而倒因奮銳衝擊長圍遂解軍回泊洞庭見橘林意欲除之謂士卒曰若食鱸用此木研酸酪不假他物自有香辛味諸軍皆爭取樹立盡九年以舟師破岳州擒刺史苑玫荆人潭人會于江口邀璋歸路璋乃方舟並貫夜過其所敵人後出已無及矣璋每入敵境或晚泊戒士卒整舟撤待令下當行必此宿軍之所也若移帳下岸修棚習射及夜多前

苗璘傳

去越兵寇上饒璋引兵侵蕪湖上饒之兵乃解乾貞元年加鎮北大將軍領平盧軍節度使溥遣王彥章苗璘舉兵西伐璋謂嚴可求曰朝廷攻湖湘何不用璋與周本彥章與璘可當其偏裨耳其後彥章果敗三年加使相大和二年改鎮東將軍充寧國軍節度使遇疾歸江都求醫至江陽縣卒年六十五

卷一萬八千一百三十四第十三頁

侯璣

卷一萬八千一百三十四第十三頁

璣字信美城濮人黃巢聚兵於曹濮璣從之時年十六巢陷京師璣逃歸鄆州時僖宗幸蜀徵十道兵討巢朱瑄以鄆兵應命璣為偏將預行尋復與諸道兵伐秦宗權皆以勇果聞頃之隨瑄弟瑾襲兗州璣與瑾逆殺齊克讓破宿州瑾據有兗州璣為瓜牙梁祖攻兗州力戰以却梁兵梁

祖圍時溥于徐州兗鄆兵救之不利溥死梁兵遂攻兗鄆戰于城下者數年長圍三合而三却之時瓚常在瑾之左右大小數百戰隨瑾搏擊馳突出入敵中殺傷不可勝計乾寧四年隨瑾與太原將史儼掠徐泗瑾將康懷貞以兗州叛瑾無所歸與瓚等率兵數千走海州遂來歸行密授瓚衙將是歲梁祖大舉兵伐吳龐師古聶金率衆入自青口葛從周以精甲圍壽陽江淮大恐行密以兵萬二千會戰于青口時兵起倉卒加以陰寒戰士皆攘食飲雪而行甫及梁營則豎戈植足鬪志未決瓚與瑾率五十餘騎潛濟淮入自壘北舞槊而馳囂聲雷沸梁兵皆殞眩不能舉遂斬龐師古從大將繼之死者大半鳴鼓西行破葛從周于壽陽沉其卒萬餘人於淝河梁人大震瓚功為多授左右隨從騎軍副使隨王茂章救

世系有系子

王師範于青州破梁兵五萬餘殺友寧瓚復有功從周本攻蘇州戰于黃天蕩從徐溫却王景仁於壽陽逐劉崇於袁州朱瑾救徐州之圍及攻潁州瓚皆預戰累授滁州刺史大和三年卒年七十

卷一萬八千一百三十四第十九頁

朱景

景壽陽霍丘人少豪猾驍壯有膽畧為邑中所服行密得淮南以霍丘地界南北盜賊交會難可防限聞景之勇為遠近所畏故以委之且伺北鄙之奔突景招合無賴年少得絕伎者百餘人撫禦之晝與捕獵暮分巡警月餘而材伎彊力無有及景者以是服從如一沿淮群盜莫敢犯之梁祖聞其名命寇彥卿率勁騎三千襲霍丘圖取景且諭梁祖之意令降景率其徒戰于丘墟林澤中射死者無數

世系有系子

彥卿兵折力殫而去康懷貞之至復為景所困王茂章來
寇度淮水可涉處立表識之景易置于深潭水中立表浮
木之上茂章軍敗望表而涉溺死者大半積其尸為京觀
後破李進金何輯步騎數千尋拜滁州刺史移光州刺史
卒於任卷一萬八千一百
三十四第十九頁

張崇

崇廬州慎縣人少以伉勇隸軍籍光啓中始補戎職從行
密破趙錕有功乾寧二年行密攻蘇州崇為越人所獲行
密欲嫁其妻妻曰崇忠孝必不負公請待之未幾崇果返
以為諸將都尉遷蘇州防遏使越人攻蘇州崇從臺濠敗
越兵于小白方天復中安仁義叛崇與茂章率兵攻之擒
仁義以功授常州刺史累遷廬州團練觀察處置等使天

五十四
崇

祐十一年加檢校太傅光州軍校王言叛崇討平之授平
南軍節度使武義元年加安西大將軍梁祖遣將合湖南
兵攻荊州以崇為應援招討使引軍攻安州降其騎兵二
百而還遷德勝軍節度使加中書令大和中封清河郡王
卒於治所年七十二崇殘酷暴斂泚人畏之嘗入觀議者
盛言不返鄜市少年皆將願相慶崇歸聞之因斂將願錢
數萬貫尤好使酒殺人重掌奏刁鎔每謂左右曰吾醉慎
勿令鎔出一日醉甚三召鎔至竟殺之詰旦召鎔左右曰
已殺矣崇大悔取其首視之揖曰罪過負外其輕人命如
此頗信鬼神家人求以厭息崇者先是后土廟塑韋安道
配坐乃遣巫女詐云天上謫后土與公為偶崇往視之巫
女潛洩異香以為后土至矣崇乃命樂對像酣飲一夕家

人竊其兵器盡寘廟中巫女報曰列仙不喜殺戰放遣六
丁取至公不得更用此傷害崇因是大為改悔歷藩鎮二
十年掠下以奉上每歲一入覲輸貢絡繹國中執事無不
受賂故其肆虐凌下保全祿位終身為橫耳卷一萬八千
一百三十五

第二頁

王綰

綰廬江人勇敢有謀光啓中始從行密破趙鏗下蘓濠累
有戰功署行營諸軍都尉兼連水防遏使光化三年青州
戍將陳漢賓殺海州刺史牛從義歸款于行密行密命綰
與張訓率勇士二千乘勢未附襲之漢賓設備不暇果出
迎謁遂入府中諭以利害漢賓乃解甲聽命以功授檢校
左僕射是歲青州王師範告沂密內叛授綰海州副使兼

光化三年

沂密兗鄆諸州副使與臺濛攻密州下之將擊沂州覘者
曰城中偃旗卧鼓寂若無人綰曰此必有備而援兵近矣
諸將曰密城既下沂易與耳綰不能禁但於茂林設伏以
待果攻沂不克援兵且至師既退為沂兵持其後綰伏兵
擊之沂人大北未幾代臺濛為海州刺史天復三年改漣
州制置使天祐中復刺海州就加平盧軍節度使明年改
定南大將軍知處州防禦使谿洞民多為盜至皆平之順
義元年授百勝軍節度使召歸乾貞初卒年七十二卷一
千一百三十四
第十五頁

王稔

稔廬州人少驍勇始以騎射隸行密帳下累從征討有功乾
寧中梁祖遣將葛從周討揚州稔與柴再用率兵禦之稔

以六騎登高山覘梁軍為梁軍所圍候者望見之請以救
兵往再用曰王稔辦事不須憂也稔與其徒解鞍而卧梁
兵不敢上會暮圍兵漸合稔乃步依林木轉戰而行因是
解去時止馬令峻遂重襲梁兵奪馬而還軍中壯之袁州
劉崇景叛湖南將許貞率兵來援貞單騎求闔稔獨援長
槊逐走之袁州平以功授滁州刺史又從徐溫破寇于山
南遷壽州團練使未幾授清淮軍節度稔好儒學性寬厚
褒衣博帶有同儒者先是壽春人多尚武復警夜至嚴稔
至唯閱經籍下帷肄業通宵無禁不數戰鼓篋待問者四
境麟萃每講肆開必饋以束修旨酒鄉里薦舉歲常百餘
人稔多力每逸二勁弓弦加兩耳分手前引雙滿者數四乾
貞三年歸授左右雄武統軍卒年六十六

卷一萬八千一百三十四第十五頁

本傳在厚
十國本厚

李原

原蔡州人乾寧初歸行密為黑雲隊長破濠壽有功加檢
校兵部尚書改隸朱延壽將戰會立新軍每旗以五伍為
制遣原以十旗擊其西偏不克而返延壽將斬之原曰彼
衆我寡願更益師以往苟不勝敵死未晚也乃增以五旗
原力戰梁人亂延壽乘之遂大敗行密聞之召歸授黑雲
都指揮使天復中從臺濛破宣州天祐三年以兵授宜春
深掠越境師還以功遷黃州刺史溥襲位授泰寧軍節度
使同中書門下平章事卒於金陵年六十

六頁

卷一萬八千一百三十四第十

以吳接
於接

陳知新

知新廬江人從行密起兵攻畢師鐸孫儒皆有功屢以親

烈祖皇帝三年
甲午

軍攻定南北諸部多立奇績累授先鋒指揮使天祐元年
率兵攻邑陵破其水柵遂楚將許貞盡收其地拜岳州刺
使四年加團練使是歲從劉存大舉師伐湖南會天大雨
旋至瀘陽江為楚兵所襲存與知新戰敗俱被擒楚王馬
殷親釋其縛且慰勉之冀為己用知新叱罵曰吾豈能負
楊公而反事汝耶殷知不可留乃殺之家悉陷敵卷一萬
八千一
百三十四
第十七頁

朱虔祐

虔祐潁川人少多力善戰初為義興令行密惜其材召居
帳下常率眾居前從王茂章援青州去為軍鋒歸則殿後
我軍背險虔祐以五百人當之追兵大至茂章亦留解鞶
而寢虔祐促茂章亟去自與梁人戰殺傷無數日暮兵盡

太祖皇帝
李虔祐

被擒士卒無求生者以故我軍行遠追兵不能及梁人執
虔祐見太祖太祖壯其事欲釋之虔祐請死不得瞑目大
罵被害行密厚恤其家後數年嫁其妻詰旦行矣其妻沐
浴禱之曰王愍我窮獨恐終不能自存當嫁我于某氏嗟
乎今日猶君之妻明日他適矣君忠烈若是歿豈無神遂
棄我是夜無疾而卒夫忠婦義如此卷一萬
八千一
百三十四
第十七頁

九國志卷二

吳

劉信

宋路振換

信字興遠兗州中都人少豪勇善騎射始陷蔡盜許勅軍中勅敗自滁州奔于行密及破秦畢頗著戰功大順中行密與孫儒對壘一日召信受事信醉不能起行密罵之信出投賊左右請追信行密曰信醉耳豈負吾者耶明日信果逐孫儒平以功轉騎軍副指揮使從破濠泗遷滁州刺史改左右隨後馬軍都尉王師範據青州密人叛師範求濟師行密遣臺濠率兵破之信先登破敵冒重瘡及青人犒師先求白甲軍增其賞蓋信所部兵皆鐵鎧也天祐六年袁吉信撫州結潭人將復豫章改信鎮南軍節度副使

十國五族作言史
區而治保金榜

率兵敗潭將苑玟於上高遷袁州刺史危全諷新破其將
黎汾王藻聚殘黨為盜南城間信盡破之一郡遂寧十一
年授鎮南軍兩使留後劉崇景以袁州叛信擊走之授鎮
南軍節度使信為治苛猛民流言將反會王祺率舟師南
上信意其圖已乃乘小舟解其冠帶詣祺請罪俱大驚謂
曰奉命討譚全播於南康請公駐吉州以警潭人非他也
時虔城險攻之久不克祺以疫死遂改信為招討使全播
懼因納款信受其質而還徐溫方執政聞之大怒杖其使
者信子彥英時為親軍校溫令將三千人往援之溫戒之
曰汝父據上遊之地擁數萬之眾取一小郡不克而還是
反也今授汝此兵可往助父反信聞之大懼即返掃疾趨
克其城而還先是有譖於溫言其逗撓固縱全播至是信

李作周

自獻捷于江都溫大喜復遣還鎮十六年吳王開國加信
征南大將軍後唐莊宗即位遣諫議大夫薛昭文冊閔王
假道豫章信勞之謂昭文曰皇帝知有信否昭文曰主上
新有河南未熟公之名信曰漢有韓信吳有劉信異代其
人也因指牙旗銀首舉卮酒以屬昭文曰射中此願公飲
一箭而穿之觀者無不稱快信用親吏吉况輩聚斂財貨
置櫛廳事日納銀滿其中莊宗伐蜀溫恐信為變急召歸
江都為左統軍溫又傾心事知誥復歸鎮明年卒於治所
年七十信將上章請立廟於洪州許之卷一萬八千一百
三十四第十一頁

馮弘鐸

弘鐸連水人少與張雄友善雄以事為吏所抑因與其徒
亡入海為盜弘鐸隨之聚眾千人自號天成軍遂據上元

李信亦大恨初元上
元為昇州景福二年命弘鐸刺史遂增版築
大其城為戰守之備行密定淮浙因請歸附時田頔在宣州
常歆窺伺弘鐸介居二大國之間又郡中數有妖怪居人相
驚忽負抱嬰兒奔走諭之不可止弘鐸心不自安遂悉眾
南上其日淮口大風發屋拔樹大石巨木皆飄於空聲言
將討豫章寔歆襲頔自帥舟師與戰于昌山弘鐸敗沿
流將入海行密自出東塘邀之先使人謂弘鐸曰用兵者
勝負豈有常哉今眾力未損公何憂一郡而歆自屏於海
外吾府雖小足以容君之眾使無失所若歆淮南節度吾
亦當讓君捨此而去無謂也弘鐸左右聞之皆哭於是聽
命行密乃升弘鐸舟執手慰勉一軍皆歡呼遂以弘鐸歸

雄卒弘鐸繼其位治水軍於金陵樓艦之盛聞於天下大順
元年詔復以上元為昇州景福二年命弘鐸刺史遂增版築
大其城為戰守之備行密定淮浙因請歸附時田頔在宣州
常歆窺伺弘鐸介居二大國之間又郡中數有妖怪居人相
驚忽負抱嬰兒奔走諭之不可止弘鐸心不自安遂悉眾
南上其日淮口大風發屋拔樹大石巨木皆飄於空聲言
將討豫章寔歆襲頔自帥舟師與戰于昌山弘鐸敗沿
流將入海行密自出東塘邀之先使人謂弘鐸曰用兵者
勝負豈有常哉今眾力未損公何憂一郡而歆自屏於海
外吾府雖小足以容君之眾使無失所若歆淮南節度吾
亦當讓君捨此而去無謂也弘鐸左右聞之皆哭於是聽
命行密乃升弘鐸舟執手慰勉一軍皆歡呼遂以弘鐸歸

東傳心少修

賈鐸

署揚州節度副使館給甚厚將吏皆分部安堵常與行密
同祀漢高廟有二鳥闕於樹行密命射之弘鐸引弓伺便
一發而二鳥俱墜天祐四年卒

卷一萬八千一百
三十四第十四頁

鐸字聲遠唐相耽之嫡孫生於上蔡遇亂為秦宗權愛將
宗權暴雲不軌鐸諫之不聽反見疑懼禍及乃挈家夜與
屬卒千人出奔宗權嚴兵追之鐸且戰且行數日乃渡淮
遇故人馮敬章導之襲斬春破其城推敬章為將鐸為牙
將塹城厲兵以自固行密命朱延壽攻之鐸方出獵延壽
潛軍掩至圍其城鐸奔還度不得入以兵伏林中逸士二
人衣羊皮夜入延壽所掠羊群中因得入城約城中夜半
開門舉火為應再以羊皮復命鐸如期領兵趣城南門門

中大舉乃力戰突圍得入延壽知其狀驚曰吾恐其潰圍
而出今反潰圍而入如是則城安可卒平乃以鐸報行密
令名軍中與鐸有舊者持誓書金帛與之和仍令延壽與
之約婚小將柴再用應召而行鐸乃請盟延壽以妹妻其
子匡浩行密復授鐸左監門衛將軍乾寧二年加壽州左
右軍光化二年授檢校右僕射天復三年加金紫光祿大
夫檢校司空授黃州刺史天祐三年移光州刺史七年卒
於治所卷一萬八千一百
三十四第二十一頁

危全諷

全諷臨川南越人世為農夫初生赤而毛醜狀駭人父母
欲勿舉其姊保護之僅而得全及長人質明秀豪勇任氣
乾符末所在寇亂乃招合同縣少年即其居為軍營鄉里

賴為時安南都護謝肇受詔安撫江嶺聞而嘉之補為討
捕將表加憲職賊帥黃天感據龍安鄉朱從立據石牛洞
皆竊稱名號官軍屢敗肇遣全諷討之期年悉平中和五
年黃巢餘黨柳彥章攻破臨川遂郡守大掠而去全諷遂
入之詔即以全諷為撫州刺史郡署及俘郭焚蕩略盡乃
悉心為理招懷亡散興緝圯懷不數年完復如故時南平
王鍾傳亦乘亂據有豫章朝廷因命為帥諸郡亦多自立
者皆不能恭承節度而全諷最強尤驕傲不遜遂為勅敵
久之傳不能忍自率兵討之既傳其城而城中夜失火士
民驚亂諸將請急攻之傳曰君子不逼人之危乃掃地而
祭曰全諷之罪無害於民烟焰遠止天之惠也翌日全諷
聞之遣使謝罪聽命請以其女嫁傳之長子匡時傳許之

乃盟而還由是稍修支郡之禮然豫章之人常畏之傳卒
軍中以匡時為留後全諷曰聽鍾郎三年為節度吾當為
之既而我師圍豫章全諷不能救及城陷乃謀東兵時宣
州刺史王茂章叛入越假道臨川以之梁問全諷曰君欲
大舉願見君之將士以卜濟否乃陳師於野與茂章登城
而觀之茂章曰衆凡幾何曰十萬茂章曰淮南有三等將
如公此衆可當下將爾盍更益十萬乎全諷不聽悉衆屯象
牙潭自称江西留後旁郡皆以兵資之湖南馬殷又遣將高
安以為之援軍勢甚盛豫章大恐將軍周本攻象牙潭大
破之擒全諷于陣諸郡皆潰楚撤高安之圍而遁於是克
定八郡之地送全諷維揚親詰之全諷不答初行密之攻
趙鏗遣使通聘於臨川全諷報禮甚至糧運兵器皆取給

按此記全諷
神祐在太祐六年
壽終之也誤

為至是以舊恩釋之先是潤州刺史安仁義築第於邦溝
之西因以賜全諷資給甚厚天祐六年以壽終諸子隨才
叙錄全諷敬愛賓客善撫士民頗有巧思多所興創今城
郭館署皆其遺構也

卷一萬八千一百
三十五第三頁

譚全播

全播南康人昭宗末領表寇亂全播與鄉人盧光稠相與
聚兵謀署首領衆推全播怒曰諸君舉事必望成功須籍
良帥盧公軀貌堂堂真諸君帥也衆唯唯未定全播拔劍
三擊庭樹曰不從令者與此樹同乃立光稠而全播為謀
主所向多捷兵勢漸盛遂破王潮之衆入據虔州推光稠
為兵馬留後全播分掌城中兵天復三年與潭人共伐番
禺下韶州潭人不利乃引還光稠命其子延昌守韶州其

睦

此後石如才國老能於此
後者脫身

弟光牧果敗奔還潮人乘之伏兵四起大破之擒其首將
鄭廣遂從光牧圍潮州番禺救之乃引還劉巖劉隱引以
廣州之衆伐光稠以報韶州之後旌旗相繼數十里圍城
十餘重光稠大懼全播曰吾諳劉公易與爾無足憂也光
稠喜曰虔與韶昔與君所共定也此日之事非君不能辦
之於是治戰場於城南告戰期於劉巖巖令諸軍曰戰之
日勿殺虔兵悉可生擒之全播選精甲萬餘伏於隍澗丘
嶇之間與老弱五千鼓行而前數戰乃退巖縱兵長驅中
伏發巖寺大敗軍騎遁免斬首萬餘級光稠議功全播泛
讓諸將而不受自是光稠大歎賞之俄有疾將以符印授
全播不從光稠死延昌自韶州奔喪全播立事之延昌好
遊獵荒傲無度大將黎球俟其出獵閉壁門而殺延昌於

城外球以全播不與已同謀將害之全播請老閉關不出
後球方欲莅事見延昌持彈叱責之球中丸而死衙將李
彥圖復知州事全播懼禍稱疾篤杜門李彥圖疑之與議
親姻多方以覘其動靜全播應覘為狀終不可識廣州聞
全播之病乃北侵陷韶州李彥圖卒其子不肖閉子城以
自衛州人無歸相率詣全播第請為帥拒之不可遂從之
遣使詣梁俄授萬勝軍防禦使五嶺虔韶二州節度開通
使檢校太尉開國侯在任七年人物殷盛俄而徐溫命劉
信伐之信以大衆填其城壕全播令人潛為地道運其土
壕深如故信以為神莫之測也攻擊萬端不能剋遣使說
之令款服全播請從溫聞之怒曰信以十倍之衆不能下
一城何以取威敵國命回兵攻剋之擒全播以歸授左威

衛將軍領虔州如故卒於江都年八十五當盧光稠之未
舉南康先有謠言曰盧破黎頭出李子始花開潭深魚正
聚楊柳西邊栽既而光稠有南康至子延昌而破黎球繼
球死李彥圖繼之全播方盛柳者劉也而楊氏命劉信攻
取之一郡之地何冥數之若是乎卷一萬八千一百
三十五第四頁

李濤

濤趙郡人祖遠唐杭州刺史父逸壽安令濤涉書史會唐
末四方盜起乃投筆從軍光啓三年秦彥因高駢濤從行
密義舉列八寨維揚西彥盡以步騎背城求戰俄而彥軍
已破一寨諸將以兵勢相懸宜堅壁勿出濤佛然曰今以
順伐逆豈論衆寡設令欲退將焉歸濤願以所部為前鋒
請觀破賊行密壯之遂出戰果敗彥軍自是無復敢出濤

唐書紀本

以功遷騎軍都尉渥襲位授和州刺史初行密既卒張顯
陰有異志以都統符印送宣諭使李儼行事嗣王意未決
一日諸將共議四座畏顯無敢言者濤曰都統符印是昭
皇御翰所賜王父子承襲用在不疑苟付他人中外安仰
諸將以其辭正皆伏羲顯獨默然投袂而去渭襲位遷吉
州刺史十年授行營招討使攻越臨安濤敗陷於越順義
元年吳越通好杭人厚禮歸之授左雄武統軍加泗州防
禦使遷寧遠軍節度使大和四年卒年七十二卷一萬三
千一百三
十四頁

鍾章

國書紀本

章字憲明廬州合肥人少不拘細行雄果有四方之志中
和中行密據合肥召置帳下畧從征討皆克獲有功天復

唐書紀本
唐書紀本
唐書紀本
唐書紀本
唐書紀本

通鑑卷之第卅字
字作傳

抄在傳年之能才
即在程類之後
以越州乃以年事

三年朝使李儼至行密得承制拜授以功歷左監門衛將
軍天祐五年張顥弒渥將出徐溫州守潤州以圖自立溫
與嚴可求謀非章不可除顥章知之因逸士三十人夜集
軍舍椎牛享之刺血而飲以為誓溫謂曰吾有老母不若
且止章曰斯事一言既出寧可中輒耶明日章與姚克贍
殺顥于衙堂遷檢校尚書左僕射左衙副指揮使從周本
攻越州拔衆夜歸越人襲之章以二百人散樹旗于菰蒲
間越兵退去絕糧三日章壯氣無衰章自以除顥功大賞
薄會與骨言爭握槊因譁語較軍功以及之溫聞而歎曰
斯固吾過也明日加章滁州刺史滁民有訴章者章詣金
陵自理溫逆謂之曰前事為理已改授公光州矣章遂之
任未幾遷壽州團練使會彊吏告章侵市官馬因遣王稔

以巡霍丘為名往代章章歸中途改饒州刺史俄召歸金
陵在郡二年加同中書門下平章事章多力嘗怒其家人
其人匿避章愈怒因拉折鐵杵後卒於治所年六十二卷
十萬八千一百三十頁

朱瑾

瑾宋州下邑人也雄武倜儻有吞噬四方之志光啓元年
汶陽曹全昱遇害軍城無帥鄆兵共推瑾兄瑄為留後瑾
之李仲俱為列校明年兗州齊克讓妻女於瑾瑾伏兵仗
假稱聘禮改服甲士詐為昇夫而往親迎夜發卒殺兗州
軍校王稠膚遂虜克讓詰旦自稱留後三年夏秦宗權併
兵攻夷門梁祖幾至不守會瑄援至合梁祖兵大戰城北
瑾單騎嘗寇馳突往返當者無不披靡宗權敗走自是瑾

與梁軍互為犄角屢破宗樞朝廷以功授瑾兗州節度使未幾梁祖交惡於瑾遂成仇敵大順二年冬瑾率兵萬人攻單父梁祖遣丁會禦之瑾軍大敗于金鄉景福初梁祖攻徐州瑾率全軍來援時溥擊梁軍殺其將霍存因席卷十餘寨乾寧元年梁祖親攻鄆瑄瑾合兵迎戰敗之于東河二年春梁祖將朱友恭攻瑾塹其城守之是時連歲交兵四郊無耕織瑄瑾勢蹙因間遣使乞師太原李克用假步騎五千濟河梁人退舍十月梁祖復親攻兗州塹圍之瑾單騎求闚梁將魚應敵者瑾兄瓊先以齊州納款于梁梁祖使瓊臨兗州說瑾瑾怒瓊無急難之義偽遣使告降梁祖自至延壽門與瑾交說瑾謂梁祖曰兗城符印他人莫可付願得兄來付與既而梁祖遣掌謁劉捍與瓊偕至

瑾馬立橋上遙謂捍云願兄先來乃麾將士擒瓊徑入未頃城上大譟擲瓊首於外梁祖大悔因班師焉四年正月鄆州先下瑾亦糧盡與晉將李承嗣史儼求軍食于野梁將龐從奄至城下瑾將康懷貞率瑾子私以兗城送款歸不得入引承嗣諸軍將保沂州為其將尹處賓拒關不納瑾狼狽將奔海上復追之後泊乃渡淮歸于行密行密迎之于高郵待以殊禮立解所服玉帶為贈擇甲第遺財帛鉅萬表瑾領武寧軍節度淮南行軍副使是冬梁祖遣將龐從大寇青口行密親征之令張訓以羸兵前導從意輕吳師貪奕棊不顧瑾請假梁人旌旗率騎前濟突入從中軍營行密得引兵急渡爭破諸柵遂擒從斬之乘勝攻泲河軍葛從周敗走光化二年春從行密攻彭門移師侵宋

西征及多由史記
卷之二十一

梁祖屯睢陽以禦瑾會天大雨與瑾交綏而退天復三年授瑾東面諸道行營都統平盧軍節度使同中書平章事天祐十三年淮南小校馬謙李球乘醉脅衆挾渭登樓發武庫兵為亂陳於門橋北外衆屢却會瑾自浙西至惟引一騎視其坐起云此不足為禍因返顧外衆推手一呼亂兵皆潰去遂擒讓是冬與行軍副使徐知訓率兵攻潁州梁人援至而解渭將開國知訓患瑾位加于已請以泗州建靜淮軍出瑾為節度先是瑾因朔望令女妓通候問於知訓知訓淫縱強欲私之瑾心已不平復有是行會知訓夜張祖筵瑾中宵先起詰旦度知訓酒方困復留刺以去既盱知訓果來謝瑾因延入室出其妻陶氏知訓方拜瑾以笏擊之踣于地左右自外突入殺之初瑾先繫二惡馬

於廡下及將圖知訓密令釋其羈紲馬果蹄啣外人莫得聞寔因斬首以出知訓從人數百瑾扼臂叱之俱辟易散去復乘知訓馬馳入府中訴於渭云今日為大王除患渭曰此事吾不敢知因命瑾疾去瑾忿以知訓首擊柱詬渭曰懦夫安足與成事携劍復出望府門已闔因踰垣折是大呼曰吾為萬人除患今以一身當之耳遂自刎夷其族時年五十二卷一萬八千一百三十四第八頁

米志誠

志誠沙陀部人少便騎射以驍勇聞乾寧四年奔于行密龐從寇青口葛從周寨泝河志誠俱為前鋒連戰皆勝以功遷馬軍指揮使田頔叛于宣州志誠與臺濛敗頔於廣德天祐六年危全諷將伐鍾陵湖南遣苑玫屯上高以為

全諷聲援命志誠與王祺率兵破之十年沒徐溫敗錢瑛於梁谿後又破王茂章於淮上十一年隨禁再用討劉崇景于袁州敗袁人于萬勝岡崇景棄城遁去遂入之先是袁人兒童聚戲穴地為釜圈箸為甌曰將柴米來至是果應以功加檢校太傅領泰寧軍節度使十五年朱瑾殺知訓携其首入府中志誠聞之被甲引其子并親從十餘騎至大興門問瑾所向聞瑾已死乃歸徐溫疑其助理遣使殺之嚴可求懼其不克遣人偽自袁州至告大破楚人諸將皆賀志誠亦入因伏壯士斬于棘門之下諸子皆棄市

卷一萬八千一百三十四第十四頁

翟虔

虔彭城人也乾寧初徐方將陷虔盡室南渡謁行密于廣

陵及徐溫典右衙以虔為軍佐屬張顥之亂溫與嚴可求陰計其事密遣虔往復傳導及誅顥虔有力焉因授子城甲仗諸庫院鈐轄等使天祐十五年朱瑾殺徐知訓挈首突入府門時兵衛倉卒莫敢抗禦虔驅率散卒共閉閤瑾以是不得出遂踰垣折足自刎而死會米志誠引十餘騎問瑾所向聲言以襲瑾為名虔乘閨謂曰瑾已戮矣何不急自歸營因是志誠遂返渭喜其應機却賊以瑾宜陵莊賜虔為賞及吳國建復旌其勲授閤門宮城武備等使領光州刺史順義四年溥幸白沙對徐溫呼雨為水溫請其故溥曰此是翟虔父名吾慣諱矣因言宮內諸王須索虔多阻限不時進納溫欲斬之為溥救護而免黜于撫州未幾授行軍副使及廣使徙任虔知本州軍事七年卒年六

張可琮

可琮不知何處人中和之亂奔于江淮行密識其勇毅擢在左右破孫儒于宛陵先登陷陣稍遷列校時吳人初得宣城毗陵之地無錫居越人之衝患其攻擾天復中遷可琮守之錢鏐忌其名棟驍將卒二千中夜襲之邑中大擾可琮閱兵得百餘人皆乘城疾戰越人驚潰而去吏士皆賀可琮笑曰彼衆我寡其勢未已方復勞諸軍一陣尔於是息燈火屏旗鼓若空邑然越人偵之以為宵遁果復至可琮約將士候其附城突擊大破之寇盡潰去方告於郡守李簡簡雖怒其不時告且壯其事列上其功後以徐温之命掠東洲下之即以為制置使天祐中除江陰縣鎮遏

使遂城江陰沙山之後可琮以江陰之衆供軍旅展斥候無闕謀徐温喜之擢拜常州刺史大修城隍民賴以安順義五年卒年六十五

卷一萬八千一百三十四第十八頁

鄭璠

璠汝南人始事秦宗權後隸孫儒入淮南尋歸行密前後戰伐皆預行光化四年授左先鋒兵馬使是歲從李神福攻臨安擒越將顧全武方宇等四十餘人遷左衛將天祐初王茂章征安仁義于潤州洎城陷中十餘瘡以功遷左先鋒都尉從攻豫章璠以所部發機飛火燒龍沙門率壯士突火先登入城焦灼被體以功授檢校司徒復從柴再用與越人戰敗及陳璋復東洲璠城而守之復會呂師造攻蘇州與越人戰虜其次將陳綰璠左脇中弩幾死授蘇州

古今事考

行營都指揮使周本擒危全諷于象牙潭璠所部功多又
攻新淦縣克而守之尋以張宣代歸復佐周本攻袁吉緣
山疾戰悉收其巖壁焚之民皆復業十五年從王祺劉信
攻虔州克之授璠羅城使順義元年領饒州刺史六年知
楚州率兵援汀洲軍事乾貞元年就拜團練使二年授鎮
南軍節度副使知軍府事大和三年授饒州刺史五年遷
金陵行軍副使卒年六十六

揚彪

彪宿州人身長七尺餘呼聲如鐘個儻有武幹善騎射行
密見而壯之擢授衙內散指揮使渥嗣位潭人犯邊授西
南面行營護軍副將謂諸將曰彼衆我寡未欲輕動乃守
其要津以輕兵挑戰登高以望之見其麾下進退不一彪

咲曰非勅敵乃縱兵出戰親射其首將殺之順風焚其艦
溺殆盡凱旋擢授江陰鎮遏使徐知誥鎮潤州克都尉以
從越人寇無錫東南大震知誥東征彪與陳再遇領死士
千人于路次弓弩忽發越人驚擾又竊賊號令以入其壘
殺獲甚衆明日又戰自旦及辰未決彪躍馬疾馳之越人
遂退師還以功授殿直軍副使與郭悰分直宿衛徐知誥
謂之曰郭悰猛而少機警宿衛之職唯尔是賴大和三年
卒年五十二

卷一萬八千一百
三十一萬八千一百
四第十九頁

陳祐

祐歷陽人年十七歸行密于合肥從入廣陵孫儒來襲吳
師亂祐之卒伍獨成列泊入宛陵稍遷為偏校時行密修
貢于天子祐應募而行達于朝廷制授善御史中丞從攻

列祖之志存息
作譜

言能之志存息
以十年

新南多於十年

滁濠壽等州下重甲先登戈傷弓墜而復上敗龐從葛從周朱友寧皆預戰有功秦裴下豫章時朱師勅范師從陳鏞以兵戍之鏞等皆渥之腹心也張顥忌焉令祐以渥命往誅之三校皆勇士也顥既遣祐行甚憂之祐踰險輕行六日至豫章微服懷短兵入秦裴帳下裴驚其來且告之故因責裴以不能制三帥而令有異謀裴懼未及對祐乃令召思勅等宴會及至則祐已與裴飲矣三校入見祐皆色變俄而酒三行祐數其罪悉叱而斬之以歸徐溫之誅張顥祐有力焉天祐七年越人侵無錫徐溫自征之祐率黑雲都尉以從諸軍未集祐告溫曰寇謂我勞頓而至未能陣也願以所部先薄之大軍見可則進溫從之祐詭道以出賊後會大軍夾攻大敗之十三年溫在潤州小將周郊

詐稱後徒懷短兵入府多殺軍吏而衛士無兵仗授武庫之捷出兵仗授之以戰或有自後擊祐傷腦踏于地從者負之息于門下稍蘇時賊雖息府中尚擾升樓傳呼不能止祐舉首叱之衆皆投兵仗罷去溫手封其傷授黑雲都尉溫遷金陵制宮室府署命祐董其事以功加檢校司空大和元年授饒州刺史卒于任年六十五
卷一萬八千一百三十四第十頁九

劉權

權許州人少從軍於蔡州景福元年來歸行密入淮南隸田頔麾下累遷同州節度副使光化二年頔與越人戰權乘勝深入為寇所得錢鏐見而慰之曰尔壯士也吾終不以俘虜相蓄洎通和繼之歸渥襲位補衙將渭開國以權

侍衛勤肅授左衛列校檢校右僕射從周本攻蕪州回授
右衛列校為毗陵子城使率海船與越人戰勝充洪州都
督長史領吉州刺史潁川之後授行營都虞候時徐知訓
為帥而軍政皆委朱瑾梁將袁象先帥步騎救潁瑾晨興
望西北皆昏黑知梁兵將至召權與議值天大寒權幅巾
錦袍而至瑾問曰尔何職曰行營都虞候瑾曰是職也動
必為諸軍先今氛興西北陰霾閉天此梁人至矣尔司斥
候尚為此服且軍禮何在叱左右執之就戮知訓徒跣而
往救之僅免時梁祖兵已至戰少不利乃引還及瑾殺知訓
城中恐懼將從而為變權出師而瑾自殺衆乃肅然徐知
誥至自丹陽遷左右軍都押衙事武義元年領雄武大將
軍六月從徐溫與越人戰於沙山洛杜敗之俘其卒數千

七月從知誥戰無錫大破越人二年卒卷一萬八千一百三十四第二十一頁

崔太初

太初淮西人父亮蔡州監牧副使太初身長七尺勇力過
人中和末以大刀長槊應募行密見偉之召居帳下歷壽
州衙內副指揮使天復中田安將謀叛行密疑朱延壽與
之交結太初累從延壽征討魯諫延壽及延壽擒行密嘉
其意遷太初衙內都指揮使天祐十五年從徐溫破王茂
章遷本州司馬權知壽州團練事先是壽春自乾符後守
卒俱為多謀強力者據而後奏報以要恩及陳紹卒宣王
遣王定持虛銜官告以往令度可授者與之定以軍政雖
出太初而職在衙將審審言之次因潛報太初曰誥朝若
州之符印再至於君慎勿更讓明日召諸將齒先以符印

置坐末以次遞捧而上及審言而止定曰王府之命非審公而誰然合更相推以成禮也審言如教復至太初定曰唯公不可多讓乃麾其下位者俱令列賀復數日軍州無異議始以官告授之人有密譖太初常蓄鄉閭之念者會徐知訓征潁州路出壽春且觀其意太初著為帽草履徒步至塌山為知訓馭馬五十餘里知訓見其屈降前疑大釋太初不喜儒生多疑好察每通衢交會之所牆必置耳常謂人曰還聞牆有耳否又曰非牆耳乃吾也由是行路之人鮮敢偶語者召歸授右雄武大將軍加檢校太傅同中書門下平章事守左殿直統軍大和三年卒年六十六

卷一萬八千一百
三十五第百三頁

陳彥謙

彥謙毘陵人少負壯節有勦繁治劇之才行密定江表召為潤州司馬以幹局聞徐溫鎮浙右以機務為寄彥謙亦坦然不疑言行計從人莫能間溫歆居金陵問策于彥謙對曰金陵昔為王者都今寔近畿閩輔也作鎮于彼其誰不往溫從之遷彥謙金陵大都督府右司馬營度外城府署三年而畢上經費之籍天祐十五年朱瑾殺徐知訓溫急召謂之曰蛇豕雖止枝蔓猶在令就廣陵除其餘孽及梁祖即位隴蜀建號彥謙勸溫諷渭建朝廷及更章服彥謙頗有力焉溫嘗閱帑藏見金帛委積因曰此三軍物吾豈敢有然致此盈衍公之力也因授鎮海軍節度判官無錫之後未戰而溫疾吳越兵攻其帳我軍相顧失色彥謙即引旗鼓詭遷于左其攻稍息及敗越兵遷楚州團練使

諸藩郡歲時伏臘爭獻賂遺温恣令納之病温親往慰問
自調湯藥臨卒手疏十餘事首即以用嫡嗣為請順義五
年卒年六十

卷一萬八千一百
三十四第二頁

高澧

十國春秋
吳越

父彥

澧越州人祖宴唐武寧軍節度使父瑰湖州刺史澧為錢
鏐之將累功遷特進湖州刺史武義軍使天祐七年以受
疑挈家屬二百餘口甲卒五千來奔授淮南節度副使澧
嗜酒好俠殺人而飲其血日暮必於宅前後掠行人而食
之一旦醉在樓上王寬經其下澧召之登而命左右去其
梯操鋌於旁而以酒害寬寬為所困乃以大觴酢之澧皆
推觴寬躍而取其鋌橫之於膝乃慢罵澧連以觴罰之澧
辭不飲寬乃引鋌遂之澧環席面走叩頭乞哀併飲十觴

即不能興寬乃下楼徐去泊上馬命以鋌還之十五年徐
知訓為朱瑾所殺徐温遷怒誅之

卷一萬八千一百
三十四第二頁



